



**PREDSJEDNIK KLUBA ZASTUPNIKA
STRANKE ZA BOSNU I HERCEGOVINU
MUAMER BANDIĆ
muamer.bandic@ks.gov.ba**

**BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA**

Predsjedavajući Skupštine Kantona Sarajevo

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka i 47/24), podnosim sljedeću:

ZASTUPNIČKU INICIJATIVU

Pokrećem inicijativu prema Ministarstvu zdravstva Kantona Sarajevo i Zavodu za javno zdravstvo Kantona Sarajevo za uspostavu besplatne SOS telefonske linije putem koje bi se pružala psihološka pomoć svim građanima koji se nađu u kriznim situacijama i nemaju kome da se obrate, a koja bi bila dostupna građanima 24 sata dnevno, sedam dana u sedmici, uključujući radne i neradne dane.

Predmetnom inicijativom tražim da se uspostava navedene SOS linije realizira u što kraćem vremenskom roku.

O B R A Z L O Ž E N J E

Sve veći broj građana Kantona Sarajevo suočava se sa psihološkim krizama i potrebom za opću psihološku pomoć, dok čekaju hospitalizaciju na Psihijatrijskoj klinici ili se nađu u kriznim situacijama, kada su sami i ne znaju kome se obratiti za pomoć. Uvođenjem jedne ovakve linije moglo bi se spasiti desetine života i poslati jasna poruka građanima Kantona Sarajevo da nisu sami u trenucima kada prolaze kroz teške psihološke epizode.

Posebno naglašavam da na nivou cijele Federacije BiH ne postoji jedinstvena SOS linija isključivo za opću psihološku podršku. Trenutno su dostupne samo specijalizirane linije koje pružaju psihološku pomoć u kontekstu nasilja i kriznih situacija. Za potrebe opće psihološke podrške, građani se mogu obratiti centrima za mentalno zdravlje u svojim lokalnim zajednicama, ili koristiti usluge poput

“Plavog telefona” u Banjoj Luci, koji je namjenjen djeci i mladima i dostupan je radnim danima od 9 do 17 sati.

Ova inicijativa je utemeljena i na informacijama koje sam dobio od Udruženja za savjetovanje i podršku djeci, adolescentima, mladima i roditeljima “Iskra nade”.

Molim sve zastupnike i zastupnice da podrže ovu inicijativu, te nadležno ministarstvo da o njenoj realizaciji obavijesti Skupštinu.

PREDSJEDNIK KLUBA
ZASTUPNIKA STRANKE ZA BIH



16.06.2025. godine

Muamer Bandić